



KENYATAAN MEDIA

**YB TENGKU DATO' SRI ZAFRUL TENGKU ABDUL AZIZ
MENTERI KEWANGAN**

LAPORAN LAKSANA KE-29

**PELAKSANAAN
PAKEJ RANGSANGAN EKONOMI PRIHATIN RAKYAT (PRIHATIN),
PELAN JANA SEMULA EKONOMI NEGARA (PENJANA) &
PAKEJ RANGSANGAN EKONOMI KITA PRIHATIN (KITA PRIHATIN)**

19 November 2020

PENGENALAN

1. **Laporan LAKSANA Ke-29** ini akan didahului dengan ulasan berhubung status pelaksanaan PENJANA dan KITA PRIHATIN, dan seterusnya disusuli dengan ulasan mengenai beberapa isu semasa. Manakala status pelaksanaan inisiatif PRIHATIN pula boleh didapati di Lampiran 1.

PENJANA (Pelan Jana Semula Ekonomi Negara)

2. Di bawah PENJANA, inisiatif telah dikategorikan kepada tiga matlamat utama iaitu:
 - a. Memperkasakan Rakyat;
 - b. Melonjakkan Perniagaan; dan
 - c. Merangsang Ekonomi.

PENJANA MATLAMAT 1: MEMPERKASAKAN RAKYAT

3. **Pertama, Skim Peduli Kesihatan untuk Kumpulan B40 (PEKA B40)** yang dikawal selia oleh Kementerian Kesihatan Malaysia (KKM). Melalui skim ini, penekanan diberikan bagi menampung keperluan kesihatan seperti **pengesanan awal untuk penyakit tidak berjangkit khas buat kumpulan B40**. Mereka yang layak adalah terdiri dari penerima Bantuan Sara Hidup (BSH) dan pasangan berdaftar yang berumur 40 tahun dan ke atas. Di antara tempoh 1 Julai sehingga 6 November 2020, sebanyak **146,433** tuntutan diterima dengan jumlah **RM12.76 juta**.

4. **Inisiatif berikutnya adalah Program Subsidi Upah (PSU).** Sehingga 6 November 2020, sebanyak **RM12.255 bilion subsidi upah** telah diluluskan yang **memanfaatkan lebih 322,177 majikan serta lebih 2.640 juta pekerja**. Fasa seterusnya adalah PSU 2.0 yang telah bermula sejak 1 Oktober 2020. Sebagai peringatan, majikan masih boleh memohon untuk PSU 2.0 di bawah Pakej KITA PRIHATIN yang dibuka sehingga 31 Disember 2020.

Tarikh Laporan	Jumlah Diluluskan* (RM bilion)	Jumlah Pekerja* (juta)	Jumlah Majikan*
6 November	12.255	2.640	322,177
30 Oktober	12.159	2.639	322,175**
23 Oktober	12.000	2.639	322,158
16 Oktober	11.998	2.639	322,150
9 Oktober	11.996	2.638	322,134
2 Oktober	11.967	2.636	322,022
25 September	11.930	2.633	321,633
28 Ogos	10.383	2.620	320,440
31 Julai	8.995	2.582	318,258
26 Jun	7.074	2.455	307,518
29 Mei	4.018	2.197	286,338
24 April	1.606	1.452	207,237

*Jumlah Kumulatif

**Ini merupakan jumlah tepat selepas penyelarasan lanjut, berbanding jumlah yang dilaporkan minggu lepas iaitu 322,284.

5. **Ketiga, Program Insentif Pengambilan Pekerja dan Bantuan Latihan.** Secara keseluruhannya, sehingga 6 November 2020, seramai **74,141 pekerja** (peningkatan daripada 70,113 minggu lalu) telah berjaya mendapat pekerjaan melalui program ini. Jumlah ini merangkumi **59,539 orang di bawah umur 40 tahun, 9,370 individu berusia di antara 40 hingga 60 tahun, serta 336 orang kelainan upaya (OKU) dan 4,896 perantis.**

Tarikh Setakat	Kategori Rakyat yang Mendapat Perkerjaan				Jumlah*
	< 40 tahun	40 – 60 tahun	OKU	Perantis	
6 November	59,539	9,370	336	4,896	74,141
30 Oktober	56,315	8,743	331	4,724	70,113
23 Oktober	51,896	7,803	322	4,473	64,494
16 Oktober	46,838	7,168	302	4,514	58,822
9 Oktober	41,808	6,530	309	4,204	52,851
2 Oktober	38,189	5,966	293	4,169	48,617
25 September	34,476	5,456	284	3,782	43,998
28 Ogos	18,354	3,266	178	2,818	24,616
21 Ogos	15,113	2,856	220	2,385	20,574

*Jumlah Kumulatif

6. **Keempat, Program Kemahiran dan Peningkatan Kemahiran.** Sehingga 6 November 2020, seramai **115,876 individu telah diluluskan** (peningkatan daripada 106,047 minggu lalu) untuk mengambil bahagian dalam program-program yang disediakan. Menurut data yang diperolehi, antara kursus-kursus yang mendapat permintaan yang tinggi adalah seperti berikut:

Bil.	Kementerian/Agensi	Program / Skim / Inisiatif
1.	Pembangunan Sumber Manusia Berhad (PSMB)	<i>SME Development</i>
		Industrial Revolution 4.0 (IREV4.0)
		<i>Place & Train</i>
		Gerak Insan Gemilang (GIG)
		<i>B40 Development</i>
2.	Kementerian Pembangunan, Usahawan dan Koperasi (MEDAC)	<i>INSKEN Business Training</i>
		<i>Program Micro Connector</i>
3.	Majlis Amanah Rakyat (MARA)	Modul Khas Penjagaan Kesihatan dan Keselamatan Kebiasaan Baharu
		<i>Building Internal Entrepreneur Capabilities by Engaging E-Commerce Bespoke Program (e-entrepreneur) -Training e-Commerce Platform</i>
		<i>Building Capabilities and Providing Jobs Through Competencies / Short Courses Program</i>
		<i>Building Capabilities and Providing Jobs Through Industry Boot Camp</i>
		<i>Building Internal Entrepreneur Capabilities by Engaging e-Commerce Bespoke Program (e-entrepreneur) -Bespoke</i>
4.	East Coast Economic Region Development Council	<i>ETEP Enhanced Train& Place (PENJANA)</i>
5.	Northern Corridor Implementation Authority	JomNiaga@NCER
		JomKerja@NCER
6.	Kementerian Pelancongan, Seni dan Budaya Malaysia (MOTAC)	Pembangunan Kemahiran Komuniti
7.	Kementerian Pengajian Tinggi (KPT)	Program Gig Economy
		Program Keusahawanan

PENJANA MATLAMAT 2: MELONJAKKAN PERNIAGAAN

7. **Pertama, Pembiayaan PKS PENJANA** bagi terus membantu **Perusahaan Kecil Sederhana (PKS)**. Kerajaan telah memperuntukkan dana berjumlah RM2 bilion dan memberi keutamaan kepada PKS yang belum pernah mendapat pinjaman daripada bank sebelum ini. Sehingga 6 November 2020, sebanyak **4,727 permohonan telah diluluskan dengan nilai pinjaman sebanyak RM996.9 juta**.

Tarikh Setakat	Permohonan Diluluskan*	Jumlah Nilai Pinjaman* (RM juta)
6 November	4,727	996.9
30 Oktober	4,488	965.5
23 Oktober	4,319	942.6
16 Oktober	4,176	930.4
9 Oktober	3,964	899.6
2 Oktober	3,617	833.6
25 September	3,351	795.3
28 Ogos	1,615	426.2
21 Ogos	1,172	329.5

*Jumlah Kumulatif

8. **Kedua, Pembiayaan Sektor Pelancongan PENJANA** dengan jumlah peruntukan sebanyak **RM1 bilion**. Inisiatif ini bertujuan untuk menyokong perusahaan mikro, kecil dan sederhana tempatan dalam sektor pelancongan yang terkesan dengan COVID-19. Kadar pembiayaan sebanyak 3.5% ini dapat membantu usahawan sektor pelancongan dari segi modal kerja dan perbelanjaan modal sehingga 7 tahun bagi tempoh pembiayaan. Setakat 6 November 2020, terdapat **461 PKS yang telah menyerahkan permohonan mereka**, dan daripada jumlah ini sebanyak **196 permohonan telah diluluskan** dengan jumlah pembiayaan sebanyak **RM39.8 juta**.
9. **Ketiga, Skim Pemulihan Perniagaan TEKUN atau TEKUN Business Recovery Scheme (TBRS)** khas untuk PKS Mikro. Sehingga 6 November 2020, sebanyak **RM82.61 juta** telah disalurkan di bawah TBRS yang telah memanfaatkan **12,403 PKS Mikro**.

Tarikh Setakat	PKS Mikro*	Jumlah Disalurkan* (RM juta)
6 November	12,403	82.6
30 Oktober	11,972	79.7
23 Oktober	11,841	78.7
16 Oktober	11,683	77.4
9 Oktober	11,546	76.6
2 Oktober	11,481	76.1
25 September	11,383	75.5
28 Ogos	6,908	47.7
31 Julai	909	6.8

*Jumlah Kumulatif

10. **Keempat adalah Pembiayaan Mikro Kredit PENJANA di bawah Bank Simpanan Nasional (BSN).** Sehingga 6 November 2020, sebanyak **RM184.6 juta** telah disalurkan bagi memanfaatkan **5,181 PKS Mikro** merangkumi bidang peruncitan dan perkhidmatan.

Tarikh Setakat	PKS Mikro*	Jumlah Disalurkan* (RM juta)
6 November	5,181	184.6
30 Oktober	4,674	167.4
23 Oktober	3,866	140.2
16 Oktober	3,668	133.3
9 Oktober	3,266	119.4
2 Oktober	2,692	98.7
25 September	2,007	73.7
28 Ogos	399	15.2

*Jumlah Kumulatif

PENJANA MATLAMAT 3: MERANGSANG EKONOMI

11. **Pertama, sokongan bagi Industri Pertanian dan Makanan.** Inisiatif ini diperkenalkan bagi merangsang pertumbuhan ekonomi dalam sektor pertanian dan makanan melalui **suntikan pembiayaan di samping menyediakan modal pusingan untuk petani, peladang dan nelayan.** Daripada jumlah peruntukan sebanyak **RM400 juta, RM350 juta** merupakan peruntukan di bawah **Skim Pembiayaan Mikrokredit Agrobank.** Sehingga 6 November 2020, sebanyak **RM41.4 juta** telah disalurkan di bawah skim ini bagi memanfaatkan **4,677 PKS Mikro pertanian.** Selain skim pembiayaan mikro kredit, inisiatif ini juga merangkumi insentif memudahcara mobiliti pekerja pertanian kepada syarikat perintis dan sumbangan setara (*in-kind*) bagi menyokong pertanian bandar (*urban farming*).
12. **Kedua, pengecualian cukai perkhidmatan bagi hotel** untuk menyokong sektor pelancongan. Sebagai langkah Kerajaan dalam memastikan sektor pelancongan dan perhotelan dapat bertahan dan kembali pulih seperti sediakala, Kerajaan telah bersetuju memberikan lanjutan pengecualian cukai perkhidmatan ke atas perkhidmatan penginapan yang dikendalikan oleh pengendali premis penginapan mulai **1 September 2020 hingga 30 Jun 2021.** Setakat 6 November 2020, nilai pengecualian cukai yang telah dimanfaatkan oleh pengendali premis penginapan telah mencecah **nilai RM727.4 juta.** Antara inisiatif lain bagi menyokong sektor pelancongan merangkumi pelepasan cukai pendapatan individu sehingga RM1,000 ke atas perbelanjaan melancong serta pengecualian cukai pelancongan sepenuhnya: kedua-dua inisiatif telah bermula dan akan tamat pada 31 Jun 2021.
13. **Ketiga, pengecualian 100% duti eksport kepada sektor komoditi.** Bagi merangsang pertumbuhan sektor komoditi dan nilai eksport negara, Kerajaan turut memperkenalkan pengecualian duit eksport sehingga 100% ke atas industri berasaskan minyak sawit.

Antara manfaat daripada langkah cukai ini secara langsung akan dapat membantu memudahkan para pekebun kecil untuk menjual hasil keluaran mereka kepada kilang-kilang. Setakat 6 November 2020, nilai pengecualian duti eksport yang berjaya dimanfaatkan oleh industri negara ialah sebanyak **RM301.1 juta**.

PAKEJ RANGSANGAN EKONOMI KITA PRIHATIN

14. **Pertama, Bantuan Prihatin Nasional 2.0 (BPN 2.0)** yang bertujuan meringankan beban 7.5 juta penerima B40 serta 3.1 juta penerima M40 melalui pemberian bantuan tunai secara *one-off*. Setakat ini, pembayaran Fasa Pertama sejumlah RM4.5 bilion telah berjaya disalurkan kepada lebih 9.86 juta penerima, merangkumi 7 juta penerima daripada kategori B40 dan 2.86 juta penerima daripada kategori M40. Bagi penerima BPN 2.0 yang tidak mempunyai akaun bank, penunaian telah mula disediakan di cawangan Bank Simpanan Nasional mulai 26 Oktober 2020.
15. Tempoh permohonan baharu serta rayuan BPN 2.0 telah berakhir pada 15 November 2020. Sehubungan itu, pembayaran Fasa Kedua beserta bayaran kepada permohonan baru dan rayuan yang lulus akan dibuat dalam bulan Januari 2021.
16. **Kedua, bagi Geran Khas PRIHATIN (GKP)** pula, mereka yang telah membuat permohonan sehingga tarikh tutup 31 Oktober 2020 boleh menyemak status permohonan dari tarikh **27 November 2020**, manakala pembayaran diangka bermula pada 30 November 2020. Dijangka bahawa 200,000 PKS Mikro layak bakal menerima bantuan *one-off* berjumlah RM3,000 dengan **bayaran keseluruhan RM600 juta**.
17. **Ketiga, Program Subsidi Upah 2.0 (PSU 2.0)** yang telah bermula sejak Oktober 2020. Setakat 6 November 2020, sebanyak RM122.19 juta telah dibelanjakan bagi membantu sebanyak 24,762 majikan untuk terus beroperasi dan mengekalkan seramai 203,654 pekerja.

ULASAN ISU SEMASA

18. Berkait dengan pengumuman Belanjawan 2021 serta ulasan lanjut pada sesi perkongsian Laporan LAKSANA ke-28 pada minggu lepas, sekali lagi ingin diberi penekanan bahawa Kerajaan terus komited untuk memulih dan merancakkan semula pertumbuhan ekonomi demi memperkukuh daya tahan negara dalam mendepani sebarang bentuk krisis. Justeru, Kerajaan telah menggariskan tiga matlamat utama di bawah Belanjawan 2021 iaitu untuk menjamin kesejahteraan rakyat, kelangsungan perniagaan dan ketahanan ekonomi.
19. Kesemua inisiatif dan program yang telah diumumkan menerusi Belanjawan 2021 dijangka dapat menambah 4 mata peratusan kepada KDNK negara pada tahun hadapan, dalam memastikan pertumbuhan ekonomi yang lebih mampan demi meningkatkan kesejahteraan rakyat. Ini merupakan kesinambungan daripada pakej rangsangan ekonomi iaitu PRIHATIN, PENJANA dan KITA PRIHATIN yang telah menyumbang antara 3.7 - 4 mata peratusan kepada KDNK negara tahun ini.
20. Sedikit perincian juga wajar diberikan berhubung Bantuan Bayaran Balik Pinjaman Secara Bersasar yang diumumkan semasa Pembentangan Belanjawan 2021 yang lalu. Mungkin ada wujud tanggapan salah atau persoalan mengenai pelaksanaan moratorium tersebut. Oleh itu, berikut dikongsikan sedikit pencerahan mengenai moratorium secara bersasar berdasarkan maklumat dari Bank Negara Malaysia:

Bil.	Tanggapan Salah	Sebenarnya
1	"Tanpa moratorium menyeluruh, peminjam sukar untuk mendapatkan bantuan"	- Peralihan daripada moratorium automatik kepada bersasar tidak bermakna bantuan ditarik balik. - Bantuan terus diberikan kepada mereka yang memerlukan. - Kini peminjam ada pilihan penyelesaian kewangan yang sesuai dengan keperluan mereka.
2	"Bantuan bayaran balik pinjaman bersasar hanya untuk B40"	Bantuan terus disediakan kepada semua golongan peminjam yang terjejas akibat pandemik - Moratorium - Kurangkan kadar ansuran dan lanjutkan tempoh pinjaman - Tukar kepada kemudahan lain (contoh: kad kredit kepada peminjam bertempoh)
3	"Bank minta terlalu banyak dokumen"	- B40*, penerima BSH atau BPR: tidak perlu - Perusahaan Mikro**: tidak perlu - M40*, penerima BPN: pengisytiharan sendiri - PKS: dokumen mudah <i>*bank akan rujuk pengkalan data BSH/BPR/BPN</i> <i>**bagi pinjaman kurang daripada RM150,000</i>
4	"Proses permohonan terlalu lama"	Tempoh proses permohonan: Penerima BSH dan perusahaan mikro dalam masa 24 jam

		• Penerima BPN dalam masa 5 hari • PKS dalam masa 14 hari
5	"Saya tidak dapat memohon kerana PKPD dan PKPB"	• Bank masih beroperasi • Boleh memohon melalui beberapa saluran seperti telefon, e-mel atau secara dalam talian
6	"Bantuan masih tidak cukup untuk menampung hutang"	• Boleh berbincang dengan bank untuk bantuan-bantuan lain seperti: i. Moratorium ii. Kurangkan kadar ansuran dan lanjutkan tempoh pinjaman iii. Tukar kepada kemudahan lain (contoh: kad kredit kepada peminjam bertempoh) • Hubungi AKPK untuk bantuan lanjut
7	"Tiada kos tambahan untuk bantuan bayaran balik pinjaman bersasar"	• Faedah akan terus dikenakan ke atas amaun ansuran • Pertimbangkan pilihan anda dengan teliti • Sambung ansuran pinjaman jika mampu
8	"Rekod CCRIS saya akan terjejas"	Semua permohonan Bantuan Bayaran Balik Pinjaman Bersasar sebelum 30 Jun 2021 tidak akan dipaparkan dalam rekod CCRIS

PENUTUP

21. Dalam usaha menjamin kesejahteraan hidup rakyat dan kelangsungan ekonomi Malaysia, Kerajaan akan terus memastikan isu-isu yang dekat dihati rakyat akan diurus dengan segera dan inklusif.
22. Diingatkan supaya semua dapat meneruskan dengan kawalan sendiri untuk memastikan keselamatan diri, keluarga serta masyarakat sekeliling dalam mendepani cabaran mengatasi COVID-19 ini.

YB Tengku Dato' Sri Zafrul Tengku Abdul Aziz
Menteri Kewangan
Kementerian Kewangan Malaysia
19 November 2020

LAMPIRAN 1 - PENCAPAIAN PAKEJ PRIHATIN

MATLAMAT 1: LINDUNGI RAKYAT		
1.	Skim pengeluaran i-Lestari di bawah Kumpulan Wang Simpanan Pekerja (KWSP)	Sehingga 6 November 2020, jumlah pengeluaran kumulatif adalah sebanyak RM11.69 bilion (peningkatan daripada RM11.18 bilion minggu lalu) dan melibatkan 4.72 juta penerima (peningkatan daripada 4.706 juga minggu lalu). Perancangan persaraan adalah penting dan orang ramai disyorkan untuk menggunakan Khidmat Nasihat Persaraan (Retirement Advisory Service - RAS) yang disediakan oleh pihak KWSP secara percuma untuk tujuan ini. Maklumat mengenai perkhidmatan percuma ini boleh didapati di pautan berikut: https://www.kwsp.gov.my/ms/member/retirement-advisory-service
2.	Elaun Khas Barisan Hadapan (Frontliners Allowance)	a. Sehingga 6 November 2020, sebanyak RM360.37 juta (peningkatan daripada RM360.35 juta minggu lalu) telah disalurkan berdasarkan 1,089,125 tuntutan (peningkatan daripada 1,088,936 minggu lalu) yang terdiri daripada doktor, jururawat dan kakitangan perubatan lain yang terlibat secara langsung dalam pengurusan dan pembendungan wabak COVID-19. b. Elaun khas ini juga dipanjangkan kepada anggota tentera, polis, kastam, imigresen, bomba, anggota Angkatan Pertahanan Awam serta anggota RELA yang terlibat secara langsung dalam melaksanakan Perintah Kawalan Pergerakan (PKP).

MATLAMAT 2: SOKONG PERNIAGAAN																																									
3.	Skim Kredit Mikro BSN	Setakat 6 November 2020, pembayaran telah dibuat kepada 11,378 PKS melibatkan jumlah sebanyak RM378.55 juta (tiada peningkatan daripada minggu lalu).																																							
4.	Skim Kredit Mikro TEKUN	Setakat 6 November 2020, pembayaran telah dibuat kepada 26,236 PKS (peningkatan daripada 26,233 penerima minggu lalu) melibatkan jumlah sebanyak RM199.41 juta (peningkatan daripada RM199.39 juta minggu lalu).																																							
5.	Dana Pinjaman Mudah Perusahaan Kecil Sederhana (PKS) (SME Soft Loans Funds) yang dikendalikan oleh Bank Negara Malaysia (BNM)	Setakat 6 November 2020, jumlah permohonan yang telah diluluskan oleh bank-bank tempatan dan disetujui terima oleh PKS adalah RM11.02 bilion (peningkatan daripada RM10.87 bilion minggu lalu) yang akan memberi manfaat kepada 23,560 PKS (peningkatan daripada 23,305 PKS minggu lalu). Jumlah ini termasuk dana <i>Special Relief Facility</i> (SRF), <i>Automation & Digitalisation Facility</i> (ADF), <i>All-Economic Sector Facility</i> (AES) dan <i>Agrofood Facility</i> (AF). <table border="1"> <thead> <tr> <th>Dana Pinjaman Mudah PKS</th><th>Jumlah diluluskan dan disetujui terima* (RM bilion)</th><th>Jumlah PKS*</th></tr> </thead> <tbody> <tr> <td>6 November</td><td>11.02</td><td>23,560</td></tr> <tr> <td>30 Oktober</td><td>10.87</td><td>23,305</td></tr> <tr> <td>23 Oktober</td><td>10.84</td><td>23,264</td></tr> <tr> <td>16 Oktober</td><td>10.81</td><td>23,234</td></tr> <tr> <td>9 Oktober</td><td>10.77</td><td>23,196</td></tr> <tr> <td>2 Oktober</td><td>10.73</td><td>23,078</td></tr> <tr> <td>25 September</td><td>10.67</td><td>22,984</td></tr> <tr> <td>28 Ogos</td><td>10.3</td><td>22,440</td></tr> <tr> <td>Julai</td><td>9.6</td><td>21,410</td></tr> <tr> <td>Jun</td><td>8.4</td><td>19,539</td></tr> <tr> <td>Mei</td><td>6.9</td><td>16,833</td></tr> <tr> <td>April</td><td>1.5</td><td>3,636</td></tr> </tbody> </table> <i>*Jumlah Kumulatif</i> Walaupun dana SRF telah dimanfaatkan sepenuhnya, PKS masih boleh memohon skim pembiayaan yang masih tersedia melalui Tabung BNM seperti ADF, AES dan AF. PKS juga boleh mendapatkan pembiayaan lain melalui platform imSME di pautan https://imsme.com.my/portal/bm/ yang boleh membantu dalam membuat padanan pembiayaan yang diperlukan dengan pelbagai penyedia dana untuk PKS.	Dana Pinjaman Mudah PKS	Jumlah diluluskan dan disetujui terima* (RM bilion)	Jumlah PKS*	6 November	11.02	23,560	30 Oktober	10.87	23,305	23 Oktober	10.84	23,264	16 Oktober	10.81	23,234	9 Oktober	10.77	23,196	2 Oktober	10.73	23,078	25 September	10.67	22,984	28 Ogos	10.3	22,440	Julai	9.6	21,410	Jun	8.4	19,539	Mei	6.9	16,833	April	1.5	3,636
Dana Pinjaman Mudah PKS	Jumlah diluluskan dan disetujui terima* (RM bilion)	Jumlah PKS*																																							
6 November	11.02	23,560																																							
30 Oktober	10.87	23,305																																							
23 Oktober	10.84	23,264																																							
16 Oktober	10.81	23,234																																							
9 Oktober	10.77	23,196																																							
2 Oktober	10.73	23,078																																							
25 September	10.67	22,984																																							
28 Ogos	10.3	22,440																																							
Julai	9.6	21,410																																							
Jun	8.4	19,539																																							
Mei	6.9	16,833																																							
April	1.5	3,636																																							